



বেসরকারি এতিমখানায় ক্যাপিটেশন গ্র্যান্ট
বরাদ্দ ও বন্টন নীতিমালা-২০১৫

সমাজসেবা অধিদফতর
সমাজকল্যাণ মন্ত্রণালয়
গণপ্রজাতন্ত্রী বাংলাদেশ সরকার

বেসরকারি এতিমখানায় ক্যাপিটেশন গ্র্যান্ট
বরাদ্দ ও বন্টন নীতিমালা-২০১৫

সমাজসেবা অধিদফতর
সমাজকল্যাণ মন্ত্রণালয়
গণপ্রজাতন্ত্রী বাংলাদেশ সরকার

সূচীপত্র

ক্রমিক নং	বিষয়	পৃষ্ঠা নং
১.	শ্রেক্ষাপট	১
২.	এতিমের সংজ্ঞা	১
৩.	ক্যাপিটেশন গ্র্যান্টের সংজ্ঞা	১
৪.	ক্যাপিটেশন গ্র্যান্ট প্রদানের লক্ষ্য ও উদ্দেশ্য	১
৫.	ক্যাপিটেশন গ্র্যান্ট প্রাপ্ত এতিমখানায় শিশু ভর্তি পদ্ধতি	১-২
৬.	ক্যাপিটেশন গ্র্যান্টের জন্য আবেদন করার নিয়মাবলি	২
৭.	ক্যাপিটেশন গ্র্যান্ট প্রাপ্তির শর্তাবলি	২-৪
৮.	ক্যাপিটেশন গ্র্যান্টের জন্য আবেদনের সময়সীমা	৪
৯.	সমাজকল্যাণ মন্ত্রণালয় কর্তৃক গঠিত ক্যাপিটেশন গ্র্যান্ট বরাদ্দ ও বণ্টন কমিটি	৫
১০.	কর্মপরিধি	৫
১১.	উপজেলা পর্যায়ে ক্যাপিটেশন গ্র্যান্ট মনিটরিং কমিটি	৬
১২.	এতিমখানায় মালামাল ক্রয় ও বিতরণ	৬
১৩.	ক্যাপিটেশন গ্র্যান্ট-এর হিসাব সংরক্ষণ ও বিল অনুমোদন পদ্ধতি	৭
১৪.	ক্যাপিটেশন গ্র্যান্ট স্থগিত/বাতিলকরণ পদ্ধতি	৭-৮
১৫.	ক্যাপিটেশন গ্র্যান্ট প্রাপ্ত বেসরকারি এতিমখানার সুষ্ঠু ও স্বচ্ছ ব্যবস্থাপনা নিশ্চিতকরণের লক্ষ্যে সংশ্লিষ্ট এলাকার মাননীয় সংসদ সদস্য প্রধান পৃষ্ঠপোষক এবং সংরক্ষিত আসনের মাননীয় মহিলা সংসদ সদস্য প্রতিষ্ঠানের বিশেষ পৃষ্ঠপোষক হিসেবে থাকবেন। বিষয়টি নিশ্চিত করার জন্য প্রতিষ্ঠানের গঠনতন্ত্রে বিধান রাখতে হবে	৮
১৬.	নীতিমালা সংশোধন	৮
১৭.	পরিশিষ্ট-১	৯
১৮.	পরিশিষ্ট-২	১০
১৯.	পরিশিষ্ট-৩	১১

০১. প্রেক্ষাপট

দেশে দরিদ্র পরিবারের পিতৃ-মাতৃহীন এতিম শিশুর লালন-পালন ও উন্নয়নের লক্ষ্যে বেসরকারি পর্যায়ে স্থাপিত এতিমখানাসমূহ স্থানীয় সম্পদ আহরণ এবং বিভিন্ন ধরনের দান-অনুদান সংগ্রহের মাধ্যমে পরিচালিত হয়ে আসছে। এ ধরনের বেসরকারি প্রতিষ্ঠানকে সমাজকল্যাণ মন্ত্রণালয়ের আওতাধীন সমাজসেবা অধিদফতর আর্থিক অনুদান/সহায়তা প্রদান করে থাকে যা ক্যাপিটেশন গ্র্যান্ট হিসেবে পরিচিত। ক্যাপিটেশন গ্র্যান্ট বরাদ্দ ও ব্যবহারের ক্ষেত্রে জবাবদিহিতা নিশ্চিতকরণ, স্বচ্ছতা আনয়ন এবং সমন্বয় সাধনের স্বার্থে একটি সুনির্দিষ্ট নীতিমালার প্রয়োজন বিধায় একটি নীতিমালা প্রণয়ন করা হলো।

০২. এতিমের সংজ্ঞা

১৯৪৪ সালের এতিমখানা ও বিধবা সদন আইনের ধারা-২ এ (৩) অনুযায়ী 'এতিম' বলিতে ১৮ বছরের কম বয়স্ক বালক-বালিকাকে বুঝাইবে, 'যিনি পিতৃহীন, অথবা পিতা-মাতা বা আইনগত অভিভাবক কর্তৃক যিনি পরিত্যক্ত হয়েছে'।

০৩. ক্যাপিটেশন গ্র্যান্টের সংজ্ঞা

বেসরকারি পর্যায়ে প্রতিষ্ঠিত এবং সমাজসেবা অধিদফতরের সাথে নিবন্ধিত বেসরকারি এতিমখানায় ভর্তিকৃত এতিম শিশুদের আর্থিক সহায়তা প্রদানের লক্ষ্যে সরকার কর্তৃক নির্ধারিত হারে মাথা পিছু যে অনুদান প্রদান করা হয় তা ক্যাপিটেশন গ্র্যান্ট হিসেবে গণ্য হবে।

০৪. ক্যাপিটেশন গ্র্যান্ট প্রদানের লক্ষ্য ও উদ্দেশ্য

বেসরকারিভাবে পরিচালিত নিবন্ধিত এতিমখানাসমূহের আর্থিক সামর্থ্য বৃদ্ধি ও সেবার মানোন্নয়নের মাধ্যমে এতিম শিশুদের মৌলিক অধিকার নিশ্চিতসহ শিক্ষার সুযোগ সৃষ্টি, মেধা বিকাশ এবং তাদের সামাজিক সুরক্ষা বেস্টনীর আওতাভুক্ত করে সমাজের মূল স্রোতধারায় সম্পৃক্তকরণে সহযোগিতা প্রদান।

০৫. ক্যাপিটেশন গ্র্যান্ট প্রাপ্তির জন্য যোগ্যতা সম্পন্ন এতিমখানার শিশু ভর্তি পদ্ধতি

ক্যাপিটেশন গ্র্যান্টের জন্য আবেদনকারী এতিমখানায় এতিম শিশু ভর্তির জন্য নির্ধারিত ভর্তির আবেদন ফরম থাকতে হবে। ভর্তির জন্য প্রাপ্ত আবেদনসমূহ যাচাই-বাছাইপূর্বক ভর্তির নিমিত্ত সংশ্লিষ্ট উপজেলার নির্বাচিত মহিলা ভাইস চেয়ারম্যানকে উপদেষ্টা করে নিম্নবর্ণিত ভর্তি কমিটি থাকবে এবং ভর্তি কমিটির সর্বসম্মত সিদ্ধান্তক্রমে এতিমখানায় ভর্তি করা হবে।

ভর্তি কমিটির রূপরেখা

(ক) উপজেলায় অবস্থিত বেসরকারি এতিমখানার ভর্তি কমিটি :

- | | | |
|---|---|----------|
| ১. সংশ্লিষ্ট উপজেলার নির্বাচিত মহিলা ভাইস চেয়ারম্যান | : | উপদেষ্টা |
| ২. সভাপতি, সংশ্লিষ্ট এতিমখানা | : | আহ্বায়ক |

৩. সাধারণ সম্পাদক, সংশ্লিষ্ট এতিমখানা	: সদস্য
৪. উপজেলা স্বাস্থ্য কমপ্লেক্সের একজন চিকিৎসক	: সদস্য
৫. উপজেলা সমাজসেবা কর্মকর্তা	: সদস্য
৬. উপজেলা মহিলা বিষয়ক কর্মকর্তা	: সদস্য
৭. প্রকল্প বাস্তবায়ন কর্মকর্তা (পিআইও)	: সদস্য
৮. সংশ্লিষ্ট ইউনিয়ন পরিষদের/পৌরসভার সদস্য/মহিলা সদস্য	: সদস্য
৯. সুপারিনটেনডেন্ট, সংশ্লিষ্ট এতিমখানা	: সদস্য-সচিব

(খ) জেলায় অবস্থিত সিটি কর্পোরেশন/পৌরসভায় বেসরকারি এতিমখানার ভর্তি কমিটি :

১. সংরক্ষিত আসনের মাননীয় মহিলা সংসদ সদস্য	: উপদেষ্টা
২. সভাপতি, সংশ্লিষ্ট এতিমখানা	: আহ্বায়ক
৩. সাধারণ সম্পাদক, সংশ্লিষ্ট এতিমখানা	: সদস্য
৪. উপপরিচালক, জেলা সমাজসেবা কার্যালয়/তাঁর প্রতিনিধি	: সদস্য
৫. জেলা ত্রাণ ও পুনর্বাসন কর্মকর্তা/তাঁর প্রতিনিধি	: সদস্য
৬. জেলা প্রাথমিক শিক্ষা কর্মকর্তা/তাঁর প্রতিনিধি	: সদস্য
৭. জেলা মহিলা বিষয়ক কর্মকর্তা/তাঁর প্রতিনিধি	: সদস্য
৮. সদর হাসপাতালের একজন চিকিৎসক	: সদস্য
৯. সংশ্লিষ্ট সিটি কর্পোরেশন/পৌরসভার মহিলা সদস্য	: সদস্য
১০. সুপারিনটেনডেন্ট, সংশ্লিষ্ট এতিমখানা	: সদস্য-সচিব

০৬ ক্যাপিটেশন গ্র্যান্টের জন্য আবেদন করার নিয়মাবলি

- ৬.১ স্থানীয় সমাজসেবা অফিসের মাধ্যমে নিবন্ধিত এতিমখানা কর্তৃপক্ষকে নির্ধারিত 'ক' ফরমে (পরিশিষ্ট-১) আবেদন করতে হবে;
- ৬.২ আবেদন ('ক' ফরম) সংশ্লিষ্ট উপজেলা সমাজসেবা কর্মকর্তা/শহর সমাজসেবা কর্মকর্তার নিকট এ নীতিমালার ৭ নং ক্রমিকে বর্ণিত সময় সীমার মধ্যে দাখিল করতে হবে;
- ৬.৩ আবেদন ফরম সমূহ জেলা সমাজসেবা কার্যালয়/উপজেলা সমাজসেবা কার্যালয়/শহর সমাজসেবা কার্যালয়ে বিনা মূল্যে পাওয়া যাবে এবং সমাজসেবা অধিদফতরের ওয়েবসাইট হতেও সংগ্রহ করা যাবে।

০৭. ক্যাপিটেশন গ্র্যান্ট প্রাপ্তির শর্তাবলি

সমাজসেবা অধিদফতর থেকে নিবন্ধিত বেসরকারি এতিমখানাসমূহ নিম্নবর্ণিত শর্ত পূরণসাপেক্ষে ক্যাপিটেশন গ্র্যান্ট এর জন্য আবেদন করতে পারবে :

- ৭.১ ক্যাপিটেশন গ্র্যান্টের জন্য অবশ্যই বেসরকারি এতিমখানাকে যথাযথ কর্তৃপক্ষের মাধ্যমে মহাপরিচালক, সমাজসেবা অধিদফতর বরাবর আবেদন দাখিল করতে হবে;
- ৭.২ ক্যাপিটেশন গ্র্যান্টের জন্য আবেদনকারী বেসরকারি এতিমখানাকে অবশ্যই সমাজসেবা অধিদফতরের অনুমোদিত গঠনতন্ত্রসহ নিবন্ধনকৃত হতে হবে;

- ৭.৩ ক্যাপিটেশন গ্র্যান্ট প্রাপ্তির ক্ষেত্রে প্রাইমারি/মাধ্যমিক/সমমানের বিদ্যালয়ে ভর্তিকৃত থাকা বাধ্যতামূলক। প্রশাসনিক মন্ত্রণালয় কর্তৃক নির্ধারিত Cut off date এর মধ্যে ক্যাপিটেশন গ্র্যান্ট প্রাপ্ত এতিমখানার সকল এতিম শিশুদের স্থানীয় প্রাইমারি/মাধ্যমিক/সমমানের বিদ্যালয়ে ১০০% ভর্তির ব্যবস্থা নিশ্চিত করতে হবে। সংশ্লিষ্ট এতিমখানার কর্তৃপক্ষ ও স্থানীয় প্রশাসন বিষয়টি নিশ্চিত করবে;
- ৭.৪ নির্ধারিত Cut off date এর পরে ক্যাপিটেশন গ্র্যান্ট বরাদ্দের ক্ষেত্রে এতিমখানার শিশুদের প্রাইমারি/মাধ্যমিক/সমমানের শিক্ষা প্রতিষ্ঠানে ভর্তির বিষয়টি বাধ্যতামূলক শর্ত হিসেবে গণ্য হবে;
- ৭.৫ আবেদনকারী নতুন বেসরকারি এতিমখানাকে ১ম কিস্তির বরাদ্দ প্রাপ্তির জন্য জুলাই মাসের পূর্বে এবং ২য় কিস্তির বরাদ্দপ্রাপ্তির জন্য জানুয়ারি মাসের নিবন্ধন হতে হবে। বেসরকারি এতিমখানাসমূহ নিবন্ধনের তারিখ হতে ক্যাপিটেশন গ্র্যান্ট প্রাপ্তির যোগ্যতা অর্জন করবে।
- ৭.৬ ক্যাপিটেশন গ্র্যান্টের জন্য আবেদনকারী এতিমখানায় এতিম প্রতিপালনের জন্য নিজস্ব জায়গায় উপযোগী পরিবেশে নির্মিত অবকাঠামো এবং স্থাবর, অস্থাবর সম্পত্তিসহ এতিমদের চিত্ত বিনোদনের জন্য পর্যাপ্ত সুযোগ সুবিধার ব্যবস্থা থাকতে হবে;
- ৭.৭ ক্যাপিটেশন গ্র্যান্টের জন্য আবেদনকারী বেসরকারি এতিমখানাসমূহে একটি ভর্তি রেজিস্টার থাকতে হবে যাতে নিবাসী এতিমদের ছবিসহ সার্বিক তথ্য সংরক্ষিত থাকবে। ভর্তি রেজিস্টারগুলি উপজেলা নির্বাহী কর্মকর্তা/জেলা প্রশাসক এর নিকট থেকে বাৎসরিক ভিত্তিতে প্রত্যয়ন করতে হবে;
- ৭.৮ সমাজসেবা অধিদফতর কর্তৃক নিবন্ধনকৃত ক্যাপিটেশন গ্র্যান্ট প্রাপ্ত সকল বেসরকারি এতিমখানাকে বাধ্যতামূলকভাবে যথানিয়মে বাংলাদেশের জাতীয় পতাকা উত্তোলন ও প্রদর্শন করতে হবে। একই সাথে বাংলাদেশের জাতীয় সঙ্গীতও বাধ্যতামূলকভাবে পরিবেশন করতে হবে।
- ৭.৯ আবশ্যিকভাবে সকল এতিমখানায় বৃত্তিমূলক প্রশিক্ষণ চালু করতে হবে এবং চালুকৃত প্রশিক্ষণ কর্মসূচি অব্যাহত রাখতে হবে;
- ৭.১০ সংশ্লিষ্ট উপজেলা সমাজসেবা কর্মকর্তা/উপজেলা নির্বাহী কর্মকর্তা/ সংশ্লিষ্ট জেলার জেলা প্রশাসক/উপপরিচালক, জেলা সমাজসেবা কার্যালয়ের সুপারিশ ব্যতিরেকে সরাসরি আবেদন কর্তৃপক্ষ কর্তৃক বিবেচিত হবে না;
- ৭.১১ আবেদনকৃত এতিম খানায় সরকার অনুমোদিত মানসম্মত সাধারণ শিক্ষার পাশাপাশি নৈতিক ও ধর্মীয় শিক্ষা প্রদানের ব্যবস্থা থাকতে হবে;
- ৭.১২ কমপক্ষে ১০ জন শিশু অবস্থান করছে শুধুমাত্র এমন প্রতিষ্ঠান ক্যাপিটেশন গ্র্যান্টের জন্য আবেদন করতে পারবে;
- ৭.১৩ নিবন্ধন কর্তৃপক্ষ কর্তৃক বেসরকারি এতিমখানার গঠনতন্ত্র অবশ্যই অনুমোদিত হতে হবে;
- ৭.১৪ বেসরকারি এতিমখানার অনুমোদিত গঠনতন্ত্রের আলোকে কার্যকরী পরিষদ অনুমোদন প্রাপ্ত হতে হবে;

- ৭.১৫ ক্যাপিটেশন গ্র্যান্টের জন্য আবেদনকারী প্রতিষ্ঠানের পূর্ববর্তী ২ বছরের অভিত প্রতিবেদন দাখিল করতে হবে;
- ৭.১৬ পূর্ববর্তী বছরের শিক্ষা ও পুনর্বাসন সংক্রান্ত পৃথক পৃথক প্রতিবেদন জেলা সমাজসেবা কার্যালয়ে দাখিল করতে হবে;
- ৭.১৭ বেসরকারি এতিম খানায় সকল প্রকার মালামাল এবং দান-অনুদান (নগদ/দ্রব্যাদি) রেজিস্টারে লিপিবদ্ধ করতে হবে। দান প্রদানকারীর নাম ঠিকানা সহ এবং বাৎসরিক ভিত্তিতে সংশ্লিষ্ট সমাজসেবা কর্মকর্তা/শহর সমাজসেবা কর্মকর্তা দ্বারা নিরীক্ষা করাতে হবে;
- ৭.১৮ শিশু আইন অনুযায়ী শিশু অধিকার নিশ্চিতকরণসহ শিশুদের উপর সকল প্রকার বৈষম্য দূর করতে হবে;
- ৭.১৯ সমাজসেবা অধিদফতর কর্তৃক ক্যাপিটেশন গ্র্যান্টপ্রাপ্ত সকল বেসরকারি এতিমখানায় প্রচার এর লক্ষ্যে এতিমখানার সাইন বোর্ডে 'সমাজকল্যাণ মন্ত্রণালয়ের আওতাধীন সমাজসেবা অধিদফতরের ক্যাপিটেশন গ্র্যান্ট প্রাপ্ত এতিমখানা' আর্টিক্যালটি অন্তর্ভুক্ত করে উনুক্ত স্থানে প্রদর্শন করতে হবে;
- ৭.২০ বেসরকারি এতিমখানার পাশাপাশি সমাজসেবা অধিদফতর কর্তৃক নিবন্ধিত যে সকল প্রতিবেদী বিষয়ক সংস্থায় এতিম নিবাসি প্রতিপালিত হয়, সে সকল সংস্থাকে ক্যাপিটেশন গ্র্যান্টের আওতায় আনতে হবে;
- ৭.২১ ক্যাপিটেশন গ্র্যান্টপ্রাপ্ত এতিম নিবাসিদের ছবি সম্মিলিত তালিকা যথাযথ কর্তৃপক্ষের মাধ্যমে জেলা সমাজসেবা কার্যালয়ে আবশ্যিকভাবে জমা দিতে হবে;
- ৭.২২ অর্থ সমর্পণের প্রতিবেদন ৫ জুলাই-এর মধ্যে নির্ধারিত ছকে অবশ্যই সদর কার্যালয়ে প্রেরণ করতে হবে (পরিশিষ্ট-৪ অনুযায়ী)।

৮. ক্যাপিটেশন গ্র্যান্টের জন্য আবেদনের সময়সীমা

ক্যাপিটেশন গ্র্যান্টের জন্য আবেদন পত্র দাখিলের সময়সীমা নিম্নরূপ :

- ৮.১ প্রত্যেক অর্থ বছরে উপজেলা সমাজসেবা কার্যালয়ে/শহর সমাজসেবা কার্যালয়ে (পরিশিষ্ট-১ অনুযায়ী) আবেদনপত্র দাখিলের শেষ তারিখ ৩১ জুলাই;
- ৮.২ প্রত্যেক অর্থ বছরে উপজেলা সমাজসেবা কার্যালয় কর্তৃক জেলা সমাজসেবা কার্যালয়ে প্রেরণের শেষ তারিখ ১০ আগস্ট。(জরিপ ফরম পূরণ পরিশিষ্ট-২ ও ৩ অনুযায়ী);
- ৮.৩ প্রত্যেক অর্থ বছরে জেলা সমাজসেবা কার্যালয় কর্তৃক সমাজসেবা অধিদফতরে প্রেরণের শেষ তারিখ ২৫ আগস্ট;
- ৮.৪ নির্ধারিত তারিখের পর কোন আবেদনপত্র গ্রহণযোগ্য বলে বিবেচিত হবে না;
- ৮.৫ সমাজসেবা অধিদফতর কর্তৃক আবেদনপত্র মন্ত্রণালয়ে প্রেরণের শেষ তারিখ প্রতি অর্থ বছরের ১৫ সেপ্টেম্বর।